

গণপ্রজাতন্ত্রী বাংলাদেশ সরকার
বিদ্যুৎ, জ্বালানি ও খনিজ সম্পদ মন্ত্রণালয়
জ্বালানি ও খনিজ সম্পদ বিভাগ
প্রশাসন-২ অধিশাখা
www.emrd.gov.bd


তারিখ : ২৬ ফাল্গুন ১৪২৬
১০ মার্চ ২০২০

নং-২৮.০০.০০০০.০১২.০৬.০০১.২০- ৫২

বিষয়: মাসিক সমন্বয় সভার কার্যবিবরণী প্রেরণ।

জ্বালানি ও খনিজ সম্পদ বিভাগে গত ২৬-০২-২০২০ তারিখে অনুষ্ঠিত ফেব্রুয়ারি/২০২০ মাসের মাসিক সমন্বয় সভার কার্যবিবরণী প্রয়োজনীয় ব্যবস্থা গ্রহণের জন্য নির্দেশক্রমে এতদসঙ্গে প্রেরণ করা হলো।

সংযুক্তি: বর্ণনামতে।


(মো: আ: খালেদ মল্লিক)
উপসচিব
ফোন নং: ৯৫৫৮৫৮৯

বিতরণ (জ্যেষ্ঠতার ভিত্তিতে নয়):

- ১। চেয়ারম্যান, বিপিসি, চট্টগ্রাম।
- ২। চেয়ারম্যান, পেট্রোবাংলা, ঢাকা।
- ৩। অতিরিক্ত সচিব (উন্নয়ন)/(প্রশা:)/(অপা:)/(পরি:)/(ব্লু ইকনোমি সেল), জ্বালানি ও খনিজ সম্পদ বিভাগ।
- ৪। মহাপরিচালক, বাংলাদেশ পেট্রোলিয়াম ইন্সটিটিউট (বিপিআই), ঢাকা।
- ৫। মহাপরিচালক, খনিজ সম্পদ উন্নয়ন ব্যুরো (বিএমডি), ঢাকা।
- ৬। যুগ্ম-সচিব (অপারেশন)/(উন্নয়ন)/(প্রশাসন)/(পরিবহন)/(প্রশা:-৩), জ্বালানি ও খনিজ সম্পদ বিভাগ।
- ৭। মহাপরিচালক, হাইড্রোকার্বন ইউনিট, ঢাকা।
- ৮। মহাপরিচালক, বাংলাদেশ ভূতাত্ত্বিক জরিপ অধিদপ্তর (জিএসবি), ঢাকা।
- ৯। সচিব, বিইআরসি, কাওরান বাজার, ঢাকা।
- ১০। সকল কর্মকর্তা, জ্বালানি ও খনিজ সম্পদ বিভাগ, ঢাকা।
- ১১। প্রধান বিস্ফোরক পরিদর্শক, বিস্ফোরক পরিদপ্তর, ঢাকা।
- ১২। প্রধান হিসাবরক্ষণ কর্মকর্তা, জ্বালানি ও খনিজ সম্পদ বিভাগ, সেগুনবাগিচা, ঢাকা।
- ১৩। ব্যবস্থাপনা পরিচালক, টিজিটিডিসিএল/বিজিডিসিএল/জেজিটিডিএসএল/পিজিসিএল/কেজিডিসিএল/বিজিএফসিএল/এসজিএফএল/জিটিসিএল/বাপেক্স/আরপিজিসিএল/বিসিএমসিএল/এমজিএমসিএল/এসজিসিএল/পদ্মা অয়েল কোং লি:/মেঘনা পেট্রোলিয়াম লি:/যমুনা অয়েল কোং লি:/ইআরএল/এলপিজি/ইএলবিএল, ঢাকা।

সদয় জ্ঞাতার্থে অনুলিপি (জ্যেষ্ঠতার ভিত্তিতে নয়):

- ১। প্রধানমন্ত্রীর বিদ্যুৎ, জ্বালানি ও খনিজ সম্পদ বিষয়ক মাননীয় উপদেষ্টার একান্ত সচিব, প্রধানমন্ত্রীর কার্যালয়, পুরাতন সংসদ ভবন, ঢাকা।
- ২। মাননীয় প্রতিমন্ত্রীর একান্ত সচিব, বিদ্যুৎ, জ্বালানি ও খনিজ সম্পদ মন্ত্রণালয়।
- ৩। সিনিয়র সচিবের একান্ত সচিব, জ্বালানি ও খনিজ সম্পদ বিভাগ।
- ৪। প্রোগ্রামার, আইসিটি শাখা, জ্বালানি ও খনিজ সম্পদ বিভাগ।

গণপ্রজাতন্ত্রী বাংলাদেশ সরকার
বিদ্যুৎ, জ্বালানি ও খনিজ সম্পদ মন্ত্রণালয়
জ্বালানি ও খনিজ সম্পদ বিভাগ
প্রশাসন-২ অধিশাখা
www.emrd.gov.bd

বিষয়: জ্বালানি ও খনিজ সম্পদ বিভাগ এর ফেব্রুয়ারি/২০২০ মাসের মাসিক সমন্বয় সভার কার্যবিবরণী।

সভাপতি	:	মোঃ আনিছুর রহমান সিনিয়র সচিব, জ্বালানি ও খনিজ সম্পদ বিভাগ
তারিখ	:	২৬-০২-২০২০
সময়	:	সকাল ১০.৩০ ঘটিকা
স্থান	:	বিদ্যুৎ, জ্বালানি ও খনিজ সম্পদ মন্ত্রণালয়ের সম্মেলন কক্ষ
উপস্থিত সদস্য	:	সংশ্লিষ্ট রেজিস্টার

সভাপতি উপস্থিত সকলকে স্বাগত জানিয়ে সভার কার্যক্রম শুরু করেন। সভাপতির অনুমতিক্রমে এ বিভাগের উপসচিব (প্রশাসন-২ অধিশাখা) জনাব মোঃ আঃ খালেক মল্লিক পাওয়ার পয়েন্টে পর্যায়ক্রমে সভার কার্যপত্র উপস্থাপন করেন।

২। সভায় উপস্থিত সদস্যগণের সর্বসম্মতিতে গত ২৬-০১-২০২০ তারিখে অনুষ্ঠিত সমন্বয় সভার কার্যবিবরণী দৃষ্টিকরণ করা হয়।

৩। গত ২৬-০১-২০২০ তারিখে অনুষ্ঠিত মাসিক সমন্বয় সভায় গৃহীত সিদ্ধান্তসমূহের বাস্তবায়ন অগ্রগতি ও অন্যান্য বিষয়ে নিম্নরূপ আলোচনা, পর্যালোচনা ও সিদ্ধান্ত গৃহীত হয়:

ক্র. নং	আলোচনা	সিদ্ধান্ত	বাস্তবায়নকারী
৩.১	এ বিভাগের অধীন দপ্তর/সংস্থার অনির্দিষ্ট বিষয় সংক্রান্ত প্রতিবেদন সভায় উপস্থাপন করা হয়। প্রতিবেদন পর্যালোচনা করে দেখা যায় যে, অধিকাংশ পত্র নথিতে উপস্থাপন ও নিষ্পত্তির জন্য প্রক্রিয়াধীন রয়েছে। সভাপতি অনির্দিষ্ট সমুদয় বিষয় জরুরীভিত্তিতে উপস্থাপনের মাধ্যমে নিষ্পন্ন করার নির্দেশনা প্রদান করেন। পাশাপাশি দপ্তর/সংস্থার কাছে অনির্দিষ্ট এ বিভাগের চাহিত বিষয়গুলোর তালিকাও সভায় উপস্থাপনের উপর গুরুত্বারোপ করেন।	(ক) এ বিভাগ ও এ বিভাগের অধীন দপ্তর/সংস্থার কোন কোন বিষয় কোথায় কতদিন যাবত অনির্দিষ্ট রয়েছে তার তালিকা প্রতি সমন্বয় সভার পূর্বে এ বিভাগে প্রেরণ করতে হবে। (খ) দপ্তর/সংস্থার অনির্দিষ্ট সমুদয় বিষয় দ্রুত উপস্থাপনপূর্বক নিষ্পত্তির ব্যবস্থা গ্রহণ করতে হবে।	এ বিভাগের সকল শাখা ও দপ্তর/সংস্থা
৩.২	জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী যথাযথভাবে উদ্‌যাপনের নিমিত্ত সভায় বিস্তারিত আলোচনা হয়। সভায় এ উপলক্ষ্যে গঠিত বিভিন্ন উপকমিটির কার্যক্রমের অগ্রগতি উপস্থাপন করা হয়। এ লক্ষ্যে এ বিভাগের সিনিয়র সচিব এর সভাপতিত্বে গত ১৬-০২-২০২০ তারিখে উদ্‌যাপন কমিটির প্রতিনিধিত্বমূলক সভায় গৃহীত সিদ্ধান্তসমূহ বাস্তবায়নের জন্য সংশ্লিষ্ট সকলকে নির্দেশনা প্রদান করা হয়। জাতির পিতার জন্মশতবার্ষিকী উপলক্ষ্যে গৃহীত কার্যক্রমের বাস্তবায়ন অগ্রগতির বিষয়েও সভায় আলোচনা হয়। তন্মধ্যে অবৈধ গ্যাস সংযোগমুক্ত জ্বালানি ব্যবস্থা নিশ্চিত করার বিষয়ে সভায় জানানো হয় যে, নারায়ণগঞ্জ, সোনারগাঁও, ভুলতা, আড়াইহাজার এলাকার শিল্প কারখানায় অবৈধ সংযোগ রয়েছে মর্মে ধারণা করা হচ্ছে। সংশ্লিষ্ট জেলা প্রশাসন এবং আইন প্রয়োগকারী সংস্থার সহায়তা নিয়ে অবৈধ গ্যাস সংযোগ বিচ্ছিন্ন করার সর্বাঙ্গিক অভিযান পরিচালনার জন্য সভাপতি নির্দেশনা প্রদান করেন। ডিলারের মাধ্যমে মডেল পেট্রোল পাম্প স্থাপনের কার্যক্রম চলমান রয়েছে মর্মে মেঘনা পেট্রোলিয়াম লিমিটেডের ব্যবস্থাপনা পরিচালক সভায় অবহিত করেন। জালালাবাদ গ্যাস ট্রান্সমিশন এন্ড ডিস্ট্রিবিউশন সিস্টেম লিমিটেড ফেব্রুয়ারি ২০১৯ হতে অবৈধ গ্যাস সংযোগমুক্ত কোম্পানি ঘোষণা করা হয়েছে মর্মে কোম্পানির ব্যবস্থাপনা পরিচালক সভায় অবহিত করেন। অন্যান্য গ্যাস ডিস্ট্রিবিউশন কোম্পানি	(ক) জাতির পিতা বঙ্গবন্ধু শেখ মুজিবুর রহমানের জন্মশতবার্ষিকী উদ্‌যাপন উপলক্ষ্যে গৃহীত কার্যক্রম যথাযথভাবে বাস্তবায়ন করতে হবে। (খ) নারায়ণগঞ্জ, সোনারগাঁও, ভুলতা, আড়াইহাজার ইত্যাদি এলাকার শিল্পকারখানার অবৈধ গ্যাস সংযোগ সংশ্লিষ্ট জেলা প্রশাসন এবং আইন প্রয়োগকারী সংস্থার সহায়তা নিয়ে বিচ্ছিন্ন করার অভিযান পরিচালনা করতে হবে। (গ) বিচ্ছিন্নকৃত অবৈধ গ্যাস সংযোগ নজরদারিতে রাখতে হবে, যাতে সেগুলোতে পুনঃসংযোগ না ঘটে। (ঘ) পেট্রোবাংলার বিভিন্ন কোম্পানিতে অটোমেশন চালু করার কার্যক্রম জোরদার করতে হবে। (ঙ) গ্যাস ডিস্ট্রিবিউশন কোম্পানিসমূহকে অবৈধ গ্যাস সংযোগমুক্ত ঘোষণা করার কার্যক্রম উদ্যোগ গ্রহণ করতে হবে এবং পর্যায়ক্রমে অবৈধ গ্যাস সংযোগমুক্ত ঘোষণা করতে হবে।	প্রশাসন অনুবিভাগ সংশ্লিষ্ট দপ্তর/সংস্থা/ কোম্পানি

ক্র. নং	আলোচনা	সিদ্ধান্ত	বাস্তবায়নকারী
	কর্তৃক যথাশীঘ্র সম্ভব অবৈধ গ্যাস সংযোগমুক্ত ঘোষণা করার জন্য সভায় গুরুত্বারোপ করা হয়। ইআরপি ও অটোমেশন চালুর বিষয়েও উল্লেখযোগ্য অগ্রগতি অর্জন হয়েছে বলে সভায় অবহিত করা হয়।		
৩.৩	গ্যাস বিপণন বিধিমালা, ২০১৯ চূড়ান্তকরণ: সভায় এ বিভাগের অতিরিক্ত সচিব (প্রশাসন) জানান যে, গ্যাস বিপণন বিধিমালা, ২০১৯ চূড়ান্তকরণ শেষ পর্যায়ে রয়েছে। গ্যাস বিপণন বিধিমালা, ২০১৯ এর উপর ভেটিং গ্রহণের জন্য লেজিসলেটিভ ও সংসদ বিষয়ক বিভাগে প্রেরণ করা হবে।	খসড়া গ্যাস বিপণন বিধিমালা, ২০১৯ এর উপর ভেটিং গ্রহণের জন্য যতদ্রুত সম্ভব লেজিসলেটিভ ও সংসদ বিষয়ক বিভাগে প্রেরণ করতে হবে।	অপারেশন অনুবিভাগ
৩.৪	বিমানের নিকট বকেয়া পাওনা: পদ্মা অয়েল কোম্পানি লিমিটেডের ব্যবস্থাপনা পরিচালক সভাকে অবহিত করেন যে, বাংলাদেশ বিমানের নিকট বকেয়ার পরিমাণ প্রায় ২১৩৩.০০ কোটি টাকা। বকেয়া পাওনা আদায়ে পদ্মা অয়েল কোম্পানি লিঃ হতে বাংলাদেশ বিমানের সংগে নিয়মিত যোগাযোগ করা হচ্ছে। এ লক্ষ্যে জ্বালানি ও খনিজ সম্পদ বিভাগ হতে গত ১০-০২-২০২০ তারিখে বেসামরিক বিমান পরিবহন ও পর্যটন মন্ত্রণালয় বরাবর পত্র প্রেরণ করা হয়েছে। বিষয়টি সর্বোচ্চ পর্যায়ে আলোচনা করে সুরাহা করার জন্য সভাপতি গুরুত্বারোপ করেন।	বেসামরিক বিমান পরিবহন ও পর্যটন মন্ত্রণালয়ের নিকট বকেয়া পাওনা আদায়ে কার্যকর পদক্ষেপ গ্রহণ করতে হবে।	অপারেশন অনুবিভাগ, বিপিসি ও পদ্মা অয়েল কোম্পানি
৩.৫	অডিট আপত্তি: সভায় জানানো হয় যে, জানুয়ারি, ২০১৯ হতে এ পর্যন্ত নিষ্পত্তিকৃত আপত্তির সংখ্যা ১২৭৫টি। অডিট আপত্তি নিষ্পত্তি সন্তোষজনক মর্মে সভায় মতামত ব্যক্ত করা হয়। অডিট আপত্তি নিষ্পত্তির জন্য দ্বি-পক্ষীয় ও ত্রি-পক্ষীয় সভা আয়োজনের জন্য সভাপতি সংশ্লিষ্টদের দৃষ্টি আকর্ষণ করেন এবং আপত্তি নিষ্পত্তিতে ধারাবাহিকতা বজায় রাখার বিষয়ে গুরুত্বারোপ করেন।	নিয়মিতভাবে দ্বি-পক্ষীয় ও ত্রি-পক্ষীয় সভা করে অডিট আপত্তি নিষ্পত্তির ধারাবাহিকতা বজায় রাখতে হবে।	সিএও/ সংশ্লিষ্ট অধিশাখা, সকল দপ্তর/সংস্থা/ কোম্পানি।
৩.৬	বিভাগীয় মামলা, আদালতের মামলা, রিট নিষ্পত্তি: সভায় এ বিভাগ ও এর অধীন প্রতিষ্ঠানসমূহের বিভাগীয় মামলা এবং রিট মামলা দ্রুততার সাথে নিষ্পত্তির বিষয়ে আলোচনা হয়। বিভাগীয় মামলা দ্রুত নিষ্পত্তির বিষয়ে কার্যকর পদক্ষেপ গ্রহণ করা হচ্ছে মর্মে উপস্থিত বিভিন্ন দপ্তর/সংস্থার প্রতিনিধিগণ সভাকে অবহিত করেন। পেট্রোবাংলা ও এর অধীন কোম্পানিসমূহের ডিসেম্বর ২০১৯ মাস পর্যন্ত বিচারাধীন মামলার সংখ্যা ১৯৪০টি এবং জানুয়ারি/২০২০ মাসে নিষ্পত্তিকৃত মামলার সংখ্যা ১৭টি। এছাড়া, বিপিসি ও এর অধীন কোম্পানিসমূহের ডিসেম্বর, ২০১৯ মাস পর্যন্ত বিচারাধীন মামলার সংখ্যা ২৪৯টি। পেট্রোবাংলা, বিপিসি ও বিএমডি'র রিট পিটিশন মামলা নিষ্পত্তির কার্যকর পদক্ষেপ গ্রহণের জন্য সভায় গুরুত্বারোপ করা হয়।	এ বিভাগের দপ্তর/সংস্থা/কোম্পানির বিভাগীয় মামলা, আদালতে বিচারাধীন মামলা ও রিট মামলা দ্রুত নিষ্পত্তির উদ্যোগ গ্রহণ করতে হবে।	সকল দপ্তর/সংস্থা/ কোম্পানি

ক্র. নং	আলোচনা	সিদ্ধান্ত	বাস্তবায়নকারী
৩.৭	<p>জ্বালানি তেলের ভেজাল বিরোধী অভিযান:</p> <p>দেশে ভেজাল জ্বালানি তেল বিক্রয় বন্ধ ও তেল সরবরাহে পরিমাপ নিশ্চিতকরণ বিষয়ে আলোচনা হয়। সভায় জানানো হয় যে, দেশে ভেজাল জ্বালানি তেল বিক্রয় বন্ধে নিয়মিত মোবাইল কোর্ট পরিচালনা অব্যাহত রয়েছে। জানুয়ারি, ২০২০ মাসে জেলা প্রশাসনের সহায়তায় বিপণন কোম্পানিসমূহের মধ্যে পিওসিএল এর ১৫টি, এমপিএল এর ৩টি ও জেওসিএল এর ৮টি মোবাইল কোর্ট পরিচালনা করা হয়েছে। ওজনে কম দেয়ার কারণে পিওসিএল এর ৪টি, এমপিএল এর ১টি এবং যমুনার ২টি, মোট ৭টি ফিলিং স্টেশনকে দন্ডিত করা হয়েছে। ভেজাল তেল বিক্রয় বন্ধ ও তেল সরবরাহের পরিমাপ নিশ্চিতকরণের জন্য মনিটরিং কার্যক্রম অব্যাহত রাখার বিষয়ে সভায় গুরুত্বারোপ করা হয়।</p>	<p>(ক) দেশে ভেজাল তেল বিক্রয় বন্ধ ও তেল সরবরাহে সঠিক পরিমাপ নিশ্চিতকরণের জন্য মনিটরিং কার্যক্রম অব্যাহত রাখতে হবে।</p> <p>(খ) মোবাইল কোর্ট পরিচালনা অব্যাহত রাখতে হবে।</p>	বিপিসি ও অধীন সংশ্লিষ্ট কোম্পানি
৩.৮	<p>বকেয়া পাওনা:</p> <p>এ বিভাগের অধীন কোম্পানিসমূহের অভ্যন্তরীণ ও বহিঃস্থ বকেয়া পাওনার প্রতিবেদন সভায় উপস্থাপন করা হয়। কোম্পানিসমূহের অভ্যন্তরীণ বকেয়া পাওনা এবং বিপিসি ও পেট্রোবাংলার অভ্যন্তরীণ বকেয়া পাওনা আদায়ের জন্য বিপিসি ও পেট্রোবাংলা কর্তৃক সংস্থা পর্যায়ে ব্যবস্থা গ্রহণের বিষয়ে সভায় গুরুত্বারোপ করা হয়। বিভিন্ন কোম্পানির গ্যাস বিল বাবদ খাতভিত্তিক বকেয়া পাওনা যথাযথ ছকে উপস্থাপনের জন্য সভায় অভিমত ব্যক্ত করা হয়। বকেয়া পাওনা আদায়ে আরও তৎপর হওয়ার জন্য সভাপতি সংশ্লিষ্ট সকলকে নির্দেশনা প্রদান করেন।</p>	<p>(ক) বিপিসি ও পেট্রোবাংলা এবং কোম্পানিসমূহের অভ্যন্তরীণ বকেয়া পাওনা আদায়ের জন্য বিপিসি ও পেট্রোবাংলা কর্তৃক সংস্থা পর্যায়ে ব্যবস্থা গ্রহণ করবে।</p> <p>(খ) বিভিন্ন কোম্পানির গ্যাস বিল বাবদ খাতভিত্তিক বকেয়া পাওনা যথাযথ ছকে আগামী সমন্বয় সভার পূর্বে এ বিভাগে তথ্য প্রেরণ করতে হবে।</p> <p>(গ) বকেয়া পাওনা আদায়ে সংশ্লিষ্ট সকলকে আরও তৎপর হতে হবে।</p>	সকল দপ্তর/সংস্থা/ কোম্পানি।
৩.৯	<p>সভায় এ বিভাগের অধীন বিভিন্ন দপ্তর/সংস্থা/কোম্পানির চলমান মোট দরপত্র সংখ্যা, আর্থিক সংশ্লেষ এবং মোট দরপত্রের মধ্যে ইজিপি অংশ ও আর্থিক সংশ্লেষ এর তথ্য পর্যালোচনা করা হয়। কোনো কোনো সংস্থা কর্তৃক এ সংক্রান্ত যথাযথ তথ্য প্রেরণ না করায় সভায় অসন্তোষ প্রকাশ করা হয়। যে সকল ক্রয় কার্যক্রম ইজিপিতে সম্পন্ন করা সম্ভব সেগুলো আবশ্যিকভাবে ইজিপিতে সম্পন্ন করার জন্য সভাপতি নির্দেশনা প্রদান করেন।</p>	<p>(ক) প্রতিমাসের সমন্বয় সভার পূর্বে চলমান মোট দরপত্র সংখ্যা, আর্থিক সংশ্লেষ এবং মোট দরপত্রের মধ্যে ইজিপি অংশ ও আর্থিক সংশ্লেষ সংক্রান্ত যথাযথ তথ্য ছক আকারে এ বিভাগে প্রেরণ করতে হবে।</p> <p>(খ) যে সকল ক্রয় কার্যক্রম ইজিপিতে করা সম্ভব সেগুলো আবশ্যিকভাবে ইজিপিতে সম্পন্ন করতে হবে।</p>	সকল দপ্তর/সংস্থা/ কোম্পানি।
৩.১০	<p>বার্ষিক কর্মসম্পাদন চুক্তি (APA):</p> <p>২০১৯-২০ অর্থবছরের বার্ষিক কর্মসম্পাদন চুক্তির সফল বাস্তবায়নের বিষয়ে সভায় আলোচনা হয়। এ প্রসঙ্গে এপিএ টিমের সদস্য ও উপপ্রধান ড. মোঃ রফিকুল ইসলাম জানান যে, বার্ষিক কর্মসম্পাদন চুক্তির অগ্রগতির বিষয়ে এপিএ টিমের সদস্য এবং সকল দপ্তর/সংস্থা/কোম্পানির ফোকাল পয়েন্টদের নিয়ে নিয়মিত সভা করা হচ্ছে। দু-একটি ব্যতীত বার্ষিক কর্মসম্পাদন চুক্তির কৌশলগত ও আবশ্যিক কৌশলগত উদ্দেশ্যের বাস্তবায়ন অগ্রগতি সন্তোষজনক মর্মে তিনি উল্লেখ করেন। সভায় বার্ষিক কর্মসম্পাদন চুক্তির সফল বাস্তবায়নে সকলকে আরো তৎপর হওয়া এবং এপিএতে অবস্থান অক্ষুণ্ণ রাখার বিষয়ে সভায় গুরুত্বারোপ করা হয়।</p>	<p>এপিএতে পূর্বের অবস্থান অক্ষুণ্ণ রাখার পাশাপাশি ২০১৯-২০ অর্থবছরের এপিএ'র সফল বাস্তবায়নের লক্ষ্যে কার্যকর পদক্ষেপ গ্রহণ করতে হবে।</p>	এপিএ টিম ও সংশ্লিষ্ট সকল দপ্তর/সংস্থা/ কোম্পানি।

ক্র. নং	আলোচনা	সিদ্ধান্ত	বাস্তবায়নকারী
৩.১১	<p>অনলাইন কার্যক্রম:</p> <p>সভায় এ বিভাগ ও এর অধীন দপ্তর/সংস্থা/কোম্পানির ই-নথি কার্যক্রম পর্যালোচনা করা হয়। এ বিভাগের প্রোগ্রামার জনাব মোঃ মাফরুল আলম জানান যে, গত জানুয়ারি/২০২০ মাসে ই-নথিতে জ্বালানি ও খনিজ সম্পদ বিভাগের অবস্থান ৭ম। এছাড়া, বড় ক্যাটাগরির ১৬টি অধিদপ্তরের মধ্যে জিএসবি ৮ম, মধ্যম ক্যাটাগরির ৫৪টির মধ্যে পশ্চিমাঞ্চল গ্যাস কোম্পানি লিঃ ১ম, যমুনা অয়েল কোং লিঃ ২য় এবং ছোট ক্যাটাগরির ১৮২টির মধ্যে বিস্ফোরক পরিদপ্তরের অবস্থান ৬ষ্ঠ। সভাপতি ই-নথির ব্যবহার বৃদ্ধি এবং ডাক আপলোড হতে শুরু করে নোট উপস্থাপন এবং সর্বশেষ পত্র জারি পর্যন্ত সকল ধাপ ই-নথিতে সম্পন্ন করার জন্য সভায় গুরুত্বারোপ করেন।</p>	<p>ডাক আপলোড হতে শুরু করে নোট উপস্থাপন এবং সর্বশেষ পত্র জারি পর্যন্ত সকল ধাপ সম্পন্ন করে ই-নথিতে অবস্থান উন্নীতকরণের কার্যকর পদক্ষেপ গ্রহণ করতে হবে।</p>	<p>সকল কর্মকর্তা জ্বালানি ও খনিজ সম্পদ বিভাগ দপ্তর/সংস্থা/কোম্পানি</p>
৩.১২	<p>ব্লু-ইকোনমি সেলের কার্যক্রম অগ্রগতি:</p> <p>সভায় ব্লু-ইকোনমি সেলের কার্যক্রম অগ্রগতি বিষয়ে ব্লু ইকোনমি সেলের প্রতিনিধি জানান যে, গত ২৫-০২-২০২০ তারিখে সমুদ্র সম্পদ আহরণ ও সুষ্ঠু ব্যবস্থাপনার উপর গৃহীত কার্যক্রম পর্যালোচনার জন্য প্রধানমন্ত্রীর মুখ্য সচিব মহোদয়ের সভাপতিত্বে প্রধানমন্ত্রীর কার্যালয়ে সভা অনুষ্ঠিত হয়েছে। সভাপতি উক্ত সভার সিদ্ধান্ত মোতাবেক কার্যক্রম গ্রহণ ও বাস্তবায়নের জন্য নির্দেশনা প্রদান করেন।</p>	<p>গত ২৫-০২-২০২০ তারিখে প্রধানমন্ত্রীর মুখ্য সচিব মহোদয়ের সভাপতিত্বে অনুষ্ঠিত সভার সিদ্ধান্ত বাস্তবায়নের প্রয়োজনীয় ব্যবস্থা গ্রহণ করতে হবে।</p>	<p>ব্লু ইকোনমি সেল</p>
৩.১৩	<p>মন্ত্রিসভা বৈঠকের সিদ্ধান্ত বাস্তবায়ন:</p> <p>মন্ত্রিসভা বৈঠকের সিদ্ধান্ত বাস্তবায়ন বিষয়ে সভায় বিস্তারিত আলোচনা হয়। সভায় জানানো হয় যে, নির্ধারিত সময়ে তথ্য না পাওয়ায় মন্ত্রিপরিষদ বিভাগ ও প্রধানমন্ত্রীর কার্যালয়ে যথা সময়ে প্রতিবেদন প্রেরণ করা সম্ভব হয় না। মন্ত্রিপরিষদ বিভাগ ও প্রধানমন্ত্রীর কার্যালয়ে যেসব প্রতিবেদন প্রেরণ করতে হয় তার তথ্য নির্ধারিত সময়ের ৭ দিন পূর্বেই প্রেরণের জন্য সংশ্লিষ্ট দপ্তর/সংস্থাকে নির্দেশনা প্রদান করা হয়।</p>	<p>মন্ত্রিপরিষদ বিভাগ ও প্রধানমন্ত্রীর কার্যালয়ে মাসিক প্রতিবেদন যথাসময়ে প্রেরণের নিমিত্ত সংশ্লিষ্ট সকল দপ্তর/সংস্থাসমূহকে নির্ধারিত সময়ের ৭ দিন পূর্বে তথ্য এ বিভাগে প্রেরণ করতে হবে।</p>	<p>এ বিভাগের সকল অনুবিভাগ/অধিশাখা/শাখা</p>

৪. সভায় আর কোনো আলোচ্য বিষয় না থাকায় উপস্থিত সকলকে ধন্যবাদ জানিয়ে সভাপতি সভার সমাপ্তি ঘোষণা করেন।

স্বাক্ষরিত/-
(মোঃ আনিছুর রহমান)
সিনিয়র সচিব
জ্বালানি ও খনিজ সম্পদ বিভাগ